



Na osnovu člana 64. stav (1) tačka b) i člana 70. Zakona o javnim nabavkama („Službeni glasnik BiH“ broj 39/14) i člana 8. Poslovnika Centralne izborne komisije Bosne i Hercegovine („Službeni glasnik BiH“ br. 29/18 i 25/20), na preporuku Komisije za javne nabavke od 04.11.2020. godine, Centralna izborna komisija Bosne i Hercegovine je na 77. sjednici, održanoj 10.11.2020. godine, donijela

O D L U K U
o izboru najpovoljnijeg ponuđača

(1) Ugovor za javnu nabavku **kancelarijskog namještaja, arhivski metalni ormari LOT-2** dodjeljuje se ponuđaču „Defter“ d.o.o. Sarajevo, Gatačka br. 20, 71000 – Sarajevo.

(2) Ponuda ponuđača iz stava (1) dispozitiva ove odluke je u skladu sa kriterijima i tehničkom specifikacijom utvrđenom tenderskom dokumentacijom i ocijenjena je prihvatljivom **po ponuđenoj cijeni u iznosu od 1.172,00 KM bez PDV, odnosno 1.371,20 KM sa PDV.**

(3) Ponuđaču iz stava (1) ove Odluke će biti dodijeljen ugovor u skladu sa elementima Ponude, te uslovima i kriterijima utvrđenim u obavještenju o nabavci i tenderskoj dokumentaciji.

(4) Ova Odluka stupa na snagu danom donošenja.

O b r a z l o ž e n j e

Postupak javne nabavke kancelarijskog namještaja, arhivski metalni ormari - LOT-2 proveden je putem konkurentskog zahtjeva za dostavu ponuda. Obavještenje o javnoj nabavci objavljeno je na Portalu javnih nabavki broj: 794-7-1-183-3-31/20 od 19.10.2020. godine. Do krajnjeg roka za prijem ponuda dana 30.10.2020. godine do 14,00 sati na adresu Centralne izborne komisije BiH dostavljene su dvije ponude ponuđača Defter“ d.o.o. Sarajevo, Gatačka br. 20, 71000 – Sarajevo i ponuđača „Adut plus“ doo, Bulevar vojvode Stepe Stepanovića, Banja Luka.

Komisija za javnu nabavku imenovana Odlukom broj: 16-3-769-2/20 od 28.08.2020. godine, izvršila je pregled i ocjenu ponuda o čemu je sačinila Zapisnik o pregledu i ocjeni ponuda broj: 16-3-769-10/20 od 04.11.2020. godine, koji je prilogu ove Odluke i utvrdila da je ponuda ponuđača **Defter“ d.o.o. Sarajevo, Gatačka br. 20, 71000 – Sarajevo** prihvatljiva, budući da je u skladu sa zahtjevima iz predmetne tenderske dokumentacije i ponuđena je najniža cijena u odnosu na drugorangiranog ponuđača, koja je u okviru planirane vrijednosti nabavke.

Komisija je uputila preporuku Centralnoj izbornoj komisiji BiH za izbor najpovoljnijeg ponuđača i dodjelu ugovora na ukupnu cijenu **u iznosu od 1.172,00 KM bez PDV, odnosno 1.371,20 KM sa PDV**, koja je snižena za 30,9 % u postupku e-aukcije u odnosu na početnu ponuđenu cijenu.

Uzimajući u obzir navedeno, odlučeno je kao u dispozitivu ove Odluke.

Pouka o pravnom lijeku: Žalba se izjavljuje Centralnoj izbornoj komisiji Bosne i Hercegovine u pisanoj formi u tri primjerka neposredno ili preporučenom poštanskom pošiljkom u roku od pet (5) dana od dana prijema ove Odluke.

Broj: 07-2-16-3-769-13/20
Sarajevo, 10.11.2020. godine

- Dostavljeno:
1. Ponuđačima
 2. Odsjeku za materijalno finansijske poslove
 3. Na internet stranicu CIK BiH www.izbori.ba
 4. a/a



Predsjednik

Zeljko Bakalar
Željko Bakalar